



**Nr. 62/2022**

Datum da publicaziun: 20-05-2022  
Patrun: Deplazes Otto, 7173 Surrein  
Liug e parcelas: Surrein-Caglieci; 804  
Object: niev indrez fotovoltaic sin tetg e vid ils balcon

**Nr. 63/2022**

Datum da publicaziun: 20-05-2022  
Patrun: Anderfuhren Ueli, 7175 Sumvitg  
Liug e parcelas: Sumvitg-Via Sum il Vitg; 1532  
Object: nova cuvrida dallas fassadas e nova finiastra per annexa

**Nr. 64/2022**

Datum da publicaziun: 20-05-2022  
Patrun: Deplazes Martina, 7173 Surrein  
Liug e parcelas: Surrein-Runé; 5045  
Object: sanaziun dallas fatschadas, novas finiastras e novs eschs, niev indrez fotovoltaic, lavurs da contuorn ed adattaziun dalla terrassa

**Midada da project**

**Nr. 115.1/2021**

Datum da publicaziun: 20-05-2022  
Patrun: Berther Vitus artavels, 7172 Rabius  
Liug e parcelas: Rabius-Clavianev; 5255  
Object: sanar ed engrondir la tegia, colligiar tegia cun aua ed electricitad

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg 20-05-2022

*Cumissiun da baghegiar*

**Dumbraziun dallas habitaziuns vitas pils 01-06-2022**

Igl uffeci federal da statistica meina puspei atras pils 01-06-2022 ina dumbraziun dallas habitaziuns vitas. Possessurs da casas ni administraziuns d'immobillas, che han pils **01-06-2022** habitaziuns ni casas d'ina famiglia vitas ein obligai da comunicar quei per telefon (081 920 25 00) ni a scret ([info@sumvitg.ch](mailto:info@sumvitg.ch)) alla canzlia communal entochen sil pli tard ils **03-06-2022**. Sco habitaziuns vitas el senn da quella dumbraziun vegnan tut las habitaziuns mobiliadas ni buca mobiliadas quintadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ein il di da controlla (01-06-2022) vitas denton habitablas e
- ch'ein il di da controlla (01-06-2022) screttas ora per schar a tscheins permanent per minimal treis meins ni venalas.

Sumvitg, 20-05-2022

*Administraziun communal*

## **Temps da vacanzas**

### **Examinaziun dils documents da viadi**

En paucas jamnas entscheiva il temps da vacanzas. Persunas che visetan tiaras digl'exteriur ein supplicadas d'examinar a dretg temps lur documents da viadi. Per l'emissiun dils documents sto vegnir quintau cun entochen 15 dis da spetga. Perquei supplichein nus da preparar las vacanzas a dretg temps.

Sumvitg, 20-05-2022

*Administraziun communal*

## **Uras d'avertura administraziun communal**

L'administraziun communal resta serrada sur Anceinza sco suonda:

- naven da mesjamna, ils 25-05-2022, allas 17.00 uras, entochen gliendisdis, ils 30-05-2022 allas 08.00 uras

Nus engraziein per la buna collaboraziun e giavischein bials dis.

Sumvitg, 20-05-2022

*Administraziun communal*

## **Vischnanca Sumvitg: Procedura d'approvaziun dals plans per installaziuns a current ferm**

### **Exposiziun publica dals plans**

**Project nr. L-233601.1 Cabel da 16 kV tranter las staziuns da transfurmaziun 742**

**Plaun Petschen e 724 Sumvitg Laus**

**– Tras la nova staziun da transfurmaziun 742 Sumvitg Plaun**

**Petschen vegn adattada la rait da tensiun media locala. En**

**quest connex vegnan encabladas tschertas parts da la lingia al**

**liber existenta ed integradas en la nova staziun da**

**transfurmaziun 742**

**- coordinatas: 2712722/1175556**

A l'inspecturat federal d'installaziuns a current ferm è vegnida inoltrada la dumonda d'approvaziun dals plans ch'è menziunada qua survat.

### **Dumonda da:**

Repower AG Surselva ; Via Santeri 74; 7130 Ilanz

### **Exposiziun publica:**

Ils documents da dumonda vegnan exponids publicamain dals 19 da matg 2022 fin ils 20 da zercladur 2022 en la Administraziun communal Sumvitg, Quadras Su 57175 Sumvitg. Prender invista pon ins mintgamai durant las uras d'avertura ordinarias. L'exposiziun publica chaschuna in scumond d'expropriaziun tenor ils artitgels 42 a 44 da la lescha federala d'expropriaziun (LExp; CS 711).

### **Protestas:**

Tgi ch'è partida tenor las prescripziuns da la LExp, po far valair durant il termin d'exposiziun tut las dumondas tenor l'artitgel 33 LExp. Quellas èn principalmain:

- a. protestas cunter l'expropriaziun;
- b. dumondas tenor ils artitgels 7–10 LExp;
- c. dumonda d'ina prestaziun en natiralias (art. 18 LExp);
- d. dumonda d'ina extensiun da l'expropriaziun (art. 12 LExp);
- e. l'indemnisaziun d'expropriaziun dumandada.

Obligads d'annunziar pretensiuns entaifer il termin da protesta èn er ils locataris ed ils fittadins sco er ils possessurs dal dretg da servitut ed ils crediturs cun dretgs persunals prenotads. Ils dretgs da pegn e las chargias funsilas che garanteschon per in bain immobigliar che fa diever da la servitut funsila, na ston betg vegnir annunziads, ils dretgs da giudida mo, sch'i vegn pretendì ch'i resultia in donn pervia da la retratga da l'object da giudida.

Inspecurat federal d'installaziuns a current ferm  
Projects, Luppmenstrasse 1  
8320 Fehraltorf

Cuira, ils 20 da matg 2022

*Uffizi d'energia e da traffic dal Grischun  
Partiziun per la producziun ed il provediment d'energia*

## **Di dallas portas aviartas en Serenera Zavràgia, sonda ils 11-06-2022**

### **Preziadas convischinas, preziai convischins**

Igl onn 1992 ei la Serenera Zavràgia vegnida prida en funcziun. Questa stad, a caschun da 30 onns menaschi, lein nus dar a vus la pusseivladad da visitar quei impurtont implont. Era dalla schigentera solara da gliet Cadi sa vegnir priu investa.

Il consorzi Serenera Zavràgia envida tut la populaziun ad in di dallas portas aviartas, cun porscher entginas guidas tras il menaschi da serenar. Ei vegn endrizzau ina sempla ustria nua che mintga visitader e visitadra retscheiva ina ligiongia giud il gril ed ina bubronda.

Ei fagess a nus grond plascher dad astgar beneventar vus en Serenera Zavràgia.

La Serenera Zavràgia sa vegnir visitada naven dallas 10.00 uras tochen ca. las 16.00 uras.

Cordialmein envida

*Consorzi Serenera Zavràgia  
Causerenera cun substituds*

## **Uniun Archiv cultural Sumvitg**

### **Excursiun culturala a Waltensburg/Vuorz**

L'Uniun Archiv cultural Sumvitg envida commembras e commembers e tut tgi che ha interess ad in'excursiun culturala a Waltensburg/Vuorz. Nus visitein la baselgia cun las picturas muralas dil Meister da Vuorz ed igl Arcun da tradiziun e prendein part ad ina guidada atras il vitg.

Datum: sonda, ils 28 da matg 2022  
Partenza: allas 13.15 naven dil plaz scola a Sumvitg cun autos privats  
Retuorn: circa allas 18.00  
Annunzias: tochen sil pli tard ils 26 da matg 2022  
a Walter Deplazes (081 943 25 60, info@deplazes.ch)

Suenter l'excursiun vegn purschiu in pign refrestg. Tut ils cuosts surpren l'Uniun Archiv cultural Sumvitg. La medema excursiun vegn era organisada per nos amitgs da TujetschVIVAcultura e dalla Fundaziun Cuntrada cultivada Val Medel. Cordialmein envida l'Uniun Archiv cultural Sumvitg

## **Societad da musica Sumvitg/Cumpadials**

Concert annual **sonda, ils 28-5-2022**, allas 20.00 en halla da scola a Sumvitg. Silsuenter stiva da caffè e bar. Nus selegrein sin Vossa viseta

## **Rimnada da pupi e cartun**

### **Venderdis, ils 3-6-2022**

La 5. e 6. classa rimna

**avonmiezdi:** Sumvitg, Cumpadials, S. Benedetg e Clavadi

**suentermiezdi:** Surrein

A Rabius rimna l'uniun gimnastica da dunnas encunter sera il pupi e cartun. Sch'enzatgi vul menar sez siu pupi e cartun tier las muldas, sesanflan quellas a Rabius, Cumpadials, Sumvitg ed a Surrein. Per simplificar la rimnada supplichein nus da far pigns pacs e ligiar ils pachets da pupi sco era quels da cartun aschia ch'els dattan buca dapart. Grond engraziament per Vossa capientscha e bunaveglia. *Scolaras e scolars cun las persunas d'instrucziun dil Consorzi da scola Sumvitg-Trun*

## **Societad da tir Vial Sumvitg**

### **Tir obligatori 2022**

La Societad da tir Vial Sumvitg envida al tir obligatori ils suandonts termins:

**Anceinza, ils 26 da matg 2022, dallas 16.00–20.00**

**Dumengia, ils 28 d'uost 2022, dallas 17.30–20.00**

**Adatg!** Tiradurs obligai ston presentar il camond da tir sco era il cudisch da sittar resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

## **Cuminonza Pro S. Benedetg, Clavadi e contuorn**

### **Di da lavur 2022 / Arbeitstag 2022**

**Sonda, ils 28 da matg 2022 / Samstag, 28. Mai 2022**

### **Ils responsabels / Die Verantwortlichen:**

**Vitus Bass**, Tel. 079 459 57 83 per lavurs a S. Benedetg e contuorn / für Arbeiten in S. Benedetg und Umgebung

**Toni Orlik**, Tel. 081 943 11 18 per lavurs sil Chic Surselva / für Arbeiten auf dem Chic Surselva

**Pauli Bass**, Tel. 081 943 19 25 per lavurs a Clavadi / für Arbeiten in Clavadi

Rimnada: S. Benedetg: plaun da crusch / Treffen: S. Benedetg: Plaun da crusch Clavadi: plaz resgia / Clavadi: plaz resgia Project: Lavurs sil Chic Surselva/vid vias d'alp, trutgs, pastiras eav. / Projekt: Arbeiten auf dem Chic Surselva, an Waldwegen, Wanderwegen, Weiden, usw.

### **Indicaziuns che valan pertuts / Angaben gültig für alle**

Temps da lavur: dallas 9.00 tochen allas 13.00 / Arbeitszeit: von 9.00 bis 13.00 Uhr Uaffens: mintgin/a pren sez cun in uaffen sco avon maun (uaffens preferi ein: ristials e forschs da caglias, petgs, zappuns e palas.) / Werkzeuge: Jede/r nimmt je ein Werkzeug wie vorhanden mit (bevorzugte Werkzeuge sind: Rechen, Staudenschere, Hacken, Pickel und Schaufel, usw.)

Gentar communabel en l'ustria «Miraval»: rauba da grillar e bubrondas offerescha l'uniun. / Gemeinsames Mittagessen im Rest. «Miraval»: Grillgut und Getränke werden von der Gemeinschaft offeriert. Segirada e vons ein caussa da mintgin/a. / Versicherung und Schutzmittel sind Sachen der/des Teilnehmers/-in Sin stedia participaziun *selegran ils responsabels*

## **Uniun SumvitgViva**

### **Lavur cumina**

**Sonda, ils 28 da matg 2022**, envida l'uniun Sumvitg Viva in e scadin voluntari a far lavur cumina. Nus s'entupein allas 8.00 sin plaz Cadruvi a Sumvitg. Mintgin duei far aschi bien e prender buns calzars, vons ed uaffens adattai per la lavur sin differentas vias d'uaul. Suenter la lavur offerescha l'uniun ina grillada communabla. Sin bien seveser, *SumvitgViva*

### **Salvament d'anseuls-cavriel**

L'Uniun da catschadurs Greina porscha maun da salvar ils anseuls-cavriel dils motors da segar. Tgi che suppona ni ha observau ina caura-cavriel en siu toc prau, ei supplicaus da s'annunziar tiel cautgira, Remo Manetsch sut 076 471 83 25 ni il guardiaselvaschina Andriu Degonda sut 079 755 14 76. Il salvament dils anseuls succeda la sera avon che segar entras l'uniun da catschadurs. Per dapli informaziuns saveis mirar sut: [www.catschadurs-greina.ch](http://www.catschadurs-greina.ch) ni [www.bkpv.ch/hege/rehkitzrettung/index.html](http://www.bkpv.ch/hege/rehkitzrettung/index.html) L'Uniun da catschadurs Greina engrazia per Vies engaschi en favur digl ansiel-cavriel.

*Uniun da catschadurs Greina  
il cautgira Remo Manetsch*